



Kagawaran ng Edukasyon
Rehiyon x-Hilagang Mindanao
SANGAY NG LUNGSOD MALAYBALAY

Purok 6, Malaybalay City



2017-03-143
DepEd-MALAYBALAY CITY DIVISION

RELEASED

March 9, 2017

MEMORANDUM PANSANGAY
Blg. 129 s. 2017

Date: MAR 10 2017 Time: 9:20
By: [Signature]

**ULIRANG GURO SA FILIPINO 2017 NG KOMISYON SA WIKANG FILIPINO
(KWF)**

Sa mga : Tagamasid Pampook
Punongguro ng mga Paaralang Pampubliko at Pamprivadong Paaralan
(Elementarya at Sekundarya)
Sangay ng Malaybalay

1. Kalakip nito ay ang *Memorandum Pangkagawaran Blg. 31, s. 2017*: Ulirang Guro sa Filipino 2017 ng Komisyon sa Wikang Filipino (KWF) at *tuntunin para sa paglahok at pagpili ng Ulirang Guro sa Filipino 2017*.
2. Hinihikayat ang bawat distrito na magsumite ng kanilang Ulirang Guro sa Elementarya at Sekundarya. Kaguruan ng Filipino na nagnanais lumahok sa nasabing patimpalak ay maaring makikipag-ugnayan sa Komisyon ng Wikang Filipino (KWF) sa telepono bilang (02) 243-9855 o sa Email:kwfss@gmail.com Website :www.kwf.gov.ph
3. Bigyang pansin ang tuntunin bilang 5 at bilang 6, kung magsusumite kayo sa Tanggapan ng Tagapamanihala ng Paaralan ang huling araw ng pagtanggap sa opisina ay sa Hulyo 3, 2017 na mapitagang itinutuloy sa Tagapamanihala ng mga Paaralan *tawag pansin*: Maria Concepcion S. Reyes, EPS Filipino ngunit kung sa tanggapan ng KWF isusumite ang lahoc ang tanggapan ng Tagapamanihala ng Paaralan ay bigyan ng kopya ng *transmittal* sa inyong pagpapadala sa KWF para sa madaliang pagpakipag-ugnayan sa kinaukulan.
4. Inaasahan ang daglian at malawakang pagpapalaganap ng Memorandum na ito.

[Signature]
EDILBERTO L. OPLENARIA, CESO VI
Tagapamanihala ng mga Paaralan

116 2017 03 13 11



Republic of the Philippines
Department of Education

01 MAR 2017

MEMORANDUM PANGKAGAWARAN

Blg. **31**, s. 2017

ULIRANG GURO SA FILIPINO 2017 NG KOMISYON SA WIKANG FILIPINO

Sa mga: Direktor ng Kawanihan
Direktor ng Panrehiyon
Tagapamahala ng mga Paaralan
Punongguro ng mga Paaralang Pampubliko at Pam pribadong
Elementarya at Sekundarya

1. Ang Komisyon sa Wikang Filipino (KWF) ay magtatampok ng **Ulirang Guro sa Filipino 2017** alinsunod sa pagdiriwang ng Buwan ng Wikang Pambansa.
2. Ang Ulirang Guro ay taunang gawad na ibinibigay ng KWF sa mga natatangi at karapat-dapat na guro sa Filipino sa bawat rehiyon at/o probinsiya sa buong bansa. Ang Ulirang Guro ay kailangang magpamalas ng angking husay, talino, at dedikasyon sa pagpapalaganap at promosyon ng Wikang Filipino at/o wika at kultura sa larangan ng pagtuturo sa kanilang komunidad, at may makabuluhang ambag sa mga saliksik pangwika at pangkultura.
3. Ang timpalak ay bukas sa mga guro sa Filipino at mga gurong nagtuturo ng ibang disiplina gamit ang wikang Filipino, sa mga pampubliko at pam pribadong paaralang elementarya at sekundarya, maliban sa mga kawani ng KWF at mga direktor ng Sentro ng Wika at Kultura (SWK), at sa kanilang mga kaanak hanggang ikalawang digri (degree).
4. Ang mapipiling *Ulirang Guro sa Filipino* ay makatatanggap ng medalya at katibayan ng pagkilala mula sa KWF.
5. Kalakip nito ang Tuntunin sa Paglahok at Pagpili ng mga Ulirang Guro sa Filipino 2017.
6. Para sa iba pang detalye at impormasyon, maaaring makipag-ugnayan sa **Komisyon ng Wikang Filipino (KWF)**, 2/F Watson Building, 1610 J.P. Rizal Street, San Miguel, Maynila sa telepono blg. (02) 243-9855 o mag-email sa kwfssg@gmail.com o sa website: www.kwf.gov.ph.


LEONOR MAGTOLIS BRIONES
Kalihim

Kalakip: Gaya ng nasasaad
Sanggunian: Memorandum Pangkagawaran Blg. 28, s. 2016
Ilalagay sa Palagiang Talatuntunan sa ilalim ng mga sumusunod na paksa:

CONTEST
LEARNING AREA, FILIPINO

SEARCH
TEACHERS

APA/R-DM Ulirang Guro sa Filipino 2017
0086/January 28, 2016

**Tuntunin Para sa Paglahok at Pagpili ng
Ulirang Guro sa Filipino 2017**

1. Bukas ang timpalak sa mga guro sa Filipino at mga gurong nagtuturo ng ibang disiplina gamit ang wikang Filipino, maliban sa mga kawani ng KWF at mga direktor ng Sentro ng Wika at Kultura (SWK), at kanilang mga kaanak hanggang ikalawang digri (degree).
2. Ang mga nominado ay kinakailangang magtaglay ng sumusunod:
 - a. May hawak na kaukulang lisensya (Licensure Examination for Teachers, atbp.), full-time at may permanenteng istatus;
 - b. Nakapaglingkod nang tatlo (3) o higit pang taon bilang guro ng Filipino o mga kaugnay na disiplina na ang gamit ay Filipino bilang wikang panturo, at kasalukuyang nagtuturo sa anumang antas ng edukasyon at may antas ng kahusayan (performance rating) na hindi bababa sa *Very Satisfactory* sa buong panahon ng paglilingkod;
 - c. May makabuluhang ambag sa mga saliksik pangwika at pangkultura ng rehiyon;
 - d. Nakapag-ambag sa pagpapalaganap at promosyon ng Wikang Filipino at/o mga wika at kultura sa larangan ng pagtuturo sa kanilang komunidad sa pamamagitan ng publikasyon, seminar, pagsasanay, palihan, at iba pang katulad na gawain;
 - e. Nanguna sa pagpapahalaga sa pamanang pangwika at pangkultura ng Pilipinas kaagapay ng pagtataguyod at pagpapaunlad sa wikang Filipino; at
 - f. Nakatanggap ng parangal at/o iba pang gawad kaugnay sa kaniyang propesyon (opsiyonal).
3. Maaring magpasa ang paaralan ng higit sa isang nominasyon.
4. Ang bawat nominado ay kailangang magsumite ng mga sumusunod na dokumento:
 - a. Pormularyo para sa nominasyon (maaaring madownload sa websayt ng KWF);
 - b. Komprehensibong *Curriculum Vitae*;
 - c. Rekomendasyon mula sa immediate superior ng kaniyang paaralan na naglalahad ng sumusunod:
 1. Katunayan ng kagalingan bilang guro sa Filipino o gurong gumagamit ng Filipino sa kaniyang pagtuturo na may makabansa at makataong kamalayan;
 2. Katunayan ng *No Pending Case*.

- d. Folio ng mga katibayan ng pagkilala, gawad, publikasyon, at mga naisagawang seminar, palihan, at mga pananaliksik at proyektong may kaugnayan sa wika at kultura; at
 - e. Kung nagtuturo ng ibang disiplina, ilakip ang mga patunay na nakapagtuturo gamit ang Filipino. Hal. Modyul, banghay-aralin, silabus, pagsusulit, at iba pang kagamitang pampagtuturo na nasusulat sa wikang Filipino.
5. Kung sa tanggapan ng KWF isusumite ang lahok, kailangang magbigay ng hard copy ng mga dokumento at *soft copy* na nasa isang (1) CD. Ipadala ang lahok sa:

Lupon ng Ulirang Guro sa Filipino 2017
Komisyon sa Wikang Filipino
Gusaling Watson, 1610 Kalye J.P. Laurel
1005 San Miguel, Maynila

6. Kung sa tanggapan ng SWK ipadadala ang lahok, kailangang magsumite ng dalawang (2) *hard copy* at *soft copy* na nasa isang CD. Maiiwan ang isang *hard copy* sa tanggapan ng SWK.
7. Maaaring isama sa mga listahan ng nominado ang mga nominasyon noong nakaraang taon (2016) kung mayroong bagong impormasyon o "*update*" sa kanilang mga dokumento. Ngunit kung walang idadagdag sa mga dokumentong naipasa noong nakaraang taon, tatanggalin na ito mula sa mga nominado.
8. Ang huling araw ng pagsusumite ng mga lahok ay sa Hulyo 14, 2017. Maaari ding ipadala ang mga nominasyon sa tanggapan ng SWK na nasa probinsya o rehiyong kinabibilangan ng nominado. Hindi na mauurong ang araw ng pagsusumite.
9. Makatatanggap ng medalya at katibayan ng pagkilala ang mga mapipiling Ulirang Guro sa Filipino.
10. Ang pasiya ng inampalan ay pinal at hindi na mababago. Lahat ng isinumiteng lahok, nanalo man o natalo, ay hindi na ibabalik ng KWF.
11. Para sa karagdagang tanong at detalye, mangyaring makipag-ugnayan sa:

Komisyon sa Wikang Filipino
Gusaling Watson, 1610 Kalye J.P. Laurel
San Miguel, Maynila
Telepono: (02) 243-9855
Email: kwfssg@gmail.com
Website: www.kwf.gov.ph